



Bájkkeavijssa NuorttaSálto

Julevsáme web-tv állánime

Tæksta: Kitty Skapalen
Järggálibme: Divte Media AS

Jus Sámedigge doarjju prosjevtav "Julevsáme Youtube", de ihkap ruvva duohtavuohtan sjaddá.

Nordlándá fylkkasuohkan ja Barggo- ja sebradahttemdepartemennta li juollodam 300 000 krávná gesisik prosjektaj. Dálá vierti Sámedigge aj doarjot jus prosjektá galggá duohtavuohtan sjaddat moarmesmánon.

Innovatijva giella nuorajda

Visjávnná le julevsámegiela dahkat miellagiddis ja innovatijvalasj giellan nuorajda, mij aj sijda ja skávlá álgusjbielen máhtá aneduvvat. Videosáddagij baktu internehtan julevsáme nuora oadtju iehpeformalalasj ja interaktijvalasj anov gielas.

Per Inge Finnesen Nordlándá fylkkasuohkanin miejnni dát le buorre doajmma.

- Dá nuora li smidá ja sjuggelisá. Fylkkasuohkanin le næhttabielle Infonuorra sáme nuorajda, valla dat ij giddi nuorajt sámmi láhkáj gá vihtta jage dássta ávddála. Dát le ilá sjávov ja gávkas ja álu ij ádásmahsteduvvá. Nuora diehti mij sijáv giddi ja dahki ietjas láhkáj. Mijá vuorodime li jur giella ja nuora ja návti prosjektá midjij hiehpá, javllá Finnesen.


Aktisasj barggoguoyme

Prosjekta lij gidán ja tjavtjan 2008 ávddáprosjektadásen oasseruhtadimijn Nordlándá fylkkasuohkanis, Sámedikkas ja STH-fándas. Konklusjávnnán ájggu prosjevtav joarkket ja náv guhkás le 66 % ruhtadum Nordlándá Fylkkasuohkanis ja Barggo- ja sebradahttemdepartementas. Dálá vuorddi vásstádusáv Sámedikkas. Mihtto le gudá mánnusaj gæhttalimprosjektav tjadádit, web-tv sáddagij akti vahkkuj ragátmános 2009. Valla juo moarmesmánon ájggu kursajt válldet filmmasubstastimen, videobuvtadimen ja redigerimin. Gæssáj ájggu studiov tsieggit ja vædtsagijt biedjat ávddál ragátmánon rájes ájggu vuostasj bále sáddit. Gæhttalimgávdda le moarmesmános javllamánnoj 2009.

- Nuora li dádjadam gáktu aktisasj barggoguoymijt mañen oadtjot. Gæhttalimgávdan vuojnnep jus doajmma. Ja dan mañela máhttep giehttot jus dáv dájmvav galggá stuoves juollodimij ruhtadit, javllá Finnesen.

Sebradahte giellaarena

Prosjektatjieggidusán dættoduvvá dákkir næhttasebrudagá mielav giddiji ja dahki sierralágásj dynamihkav addnij ietjas subtsasij vuodon, hiebadum nuorajda ma ienebuv mediav adni dudádittjat ietjas subtsasav, ienni gá dássju ietjádijda gulldalit. Prosjektajuogos ájggu hiebadit



Web-tv julevsáme nuorajda. Jus állásit ruhtaduvvá de ihkap jáhtuj bohtá tjavtja rájes 2009. Web-tv for lulesamiske ungdommer. Med fullfinansiering vil det blir aktuelt fra høsten 2009.

bájkálasj dilev vuollegasj giellafálaldagájnuoraj ietjas premissaj milta ja gánná giellapolitija e gávnnu. Tv-media miellanækto válljiduváj, dan diehti gá moadda julevsáme buorebut sámegeielav njálmálettat bukti ienni gá tjáallattjat.

- Mijá mihtto le sebradahttem giellaarena, gánná gæhttalip nav sebradahttet nav álos gá ber vejulasj, ienni gá rahtjat duolla grammatihkav. Gá ælla vuojga moadda addne de sjaddá hástalus ásadit dássju addneoassálastemijn. Dan diehti ájggop buvtedit muodugattjav YouTuba ja bájkálasj-tv gaskan, gánná da gudi ájggu bessu vædtsagijt luojkkat ietjas filmajt dagátjijt ma sijddabælláj almoduvvi. Mihtto le oadtjot julevsáme nuorajt

substastittjat nubbe nubbáj videoa ja jiena baktu, ja arvusmahttet aktijvalasj giellaanov, tjuodtju prosjektatjieggidusán.

Sihke julevsámegiellaj ja dárogiellaj

TV-sáddaga galggi julevsámegiellaj buvteduvvat, valla galggá dárogiellaj tæksta liehket vaj da gudi e buvte sámástit bessu gielav oahppat. Jus ulmutja gudi ságájdahteduvvi dárusti, de suv sámegeiellaj dubbiji, ja vat tevstav dárogiellaj tjállli nav gáktu Sáme ádássáddagijn TV:an dahki.

- Dá nuora li 20 jagij álgon ja ienemus oasse li studenta. Sávvap dá arvusmahtti

nuorajt ja sávvap dá ásadi juojddáv mij stuoves sjaddá ja mij máhtá joarkeduvvat nuorap buolvas jus ietja soajttá sihti karrierajn joarkket. Ájnas faktávrrá vaj rudájt juollodip le jus dát le tjadádahte, ja dav de mij miejnnep, hæjttá Finnesen.

Fylkka tjállá duola dagu ahte doajmma máhtá arenajt ásadit sáme nuorajda sámástihttjat.

Prosjektajádediddje Lars Theodor Kintel ij ájgo vuojga javllat ávddál vásstádus Sámedikkas bohtá, ietján gá dættot gijttevasj le fylkkasuohkana dárja ávdás.